

“Apology of Hattusili”

#1. ŠA <sup>d</sup>IŠTAR pa-ra-a ha-an-da-an-da-tar me-ma-ah-hi

2. n=a-at DUMU.NAM.LÚ.U19.LU-as is-ta-ma-as-du

3. nu <sup>v</sup>zi-la-du-wa ŠA <sup>d</sup>UTUŠI DUMU=ŠÚ DUMU.DUMU=ŠÚ NUMUN <sup>d</sup>UTUŠI  
DINGIR.MEŠ-as=kán is-tar-na A-NA <sup>d</sup>IŠTAR na-ah-ha-a-an e-es-du

#?4. A-BU=YA=a=n-na-as=za <sup>m</sup>Mur-si-li-is 4 DUMU.HI.A <sup>m</sup>Hal-pa-su-lu-pí-in  
<sup>m</sup>NIR.GÁL-in <sup>m</sup>Ha-at-tu-si-li-in <sup>f</sup>DINGIR.MEŠ.IR-in-n=a DUMU[(.MUNUS-an)] ha-as-  
ta

5. nu=za hu-u-ma-an-[(d)]a-a[(s)]=pát EGIR-iz-zi-is DUMU-as e-su-un

6. nu=za ku-it-ma-an nu-u-wa DUMU[(-as)] e-su-un

#7. ŠA <sup>KUŠ</sup>KA.TAB.ANŠE=za e-su-un

8. nu [(<sup>d</sup>IŠTAR)] GAŠAN=YA A-NA <sup>m</sup>Mur-si-li A-BI=YA Û-it <sup>m</sup>NIR.GÁL-in ŠEŠ=YA  
u-i-ya-at

#9. A-NA <sup>m</sup>Ha-a[(t-t)]u-si-li=wa MU.KAM.HI.A ma-ni-in-ku-wa-an-te-es

#10. Ú-UL=wa-r=a-as TI-an-n[(a-as

11. n)]u=wa-r=a-an am-mu-uk pa-ra-a pa-a-i

12. nu=wa-r=a-as=mu <sup>LÚ</sup>[(sa-a)]n-ku-un-ni-is e-es-du

13. nu=wa-r=a-as TI-an=za

14. nu=m[(u A-BU=)]YA DUMU-an sa-ra-a da-a-as

15. nu=mu A-NA DINGIRlim ARAD-an-ni pé-es-ta

16. nu=za A-NA DINGIRlim <sup>LÚ</sup>sa-an-ku-un-ni-ya-an-za BAL-ah-hu-un

17. nu=za=kán A-NA ŠU <sup>d</sup>IŠTAR [(GAŠAN=Y)]A <sup>v</sup>lu-ú-lu u-uh-hu-un

18. nu=mu <sup>d</sup>IŠTAR GAŠAN=YA ŠU-za I[(S.-BA)]T

19. n=a-as=mu=kán pa-ra-a ha-an-da-an-te-es-ta

20. ma-ah-ha-an=ma=za A-BU=YA <sup>m</sup>M[(ur-s)]i-li-is DINGIRlim-is ki-sa-at

21. ŠEŠ=YA=ma=za=kán <sup>m</sup>NIR.GÁL A-NA <sup>GIŠ</sup>GU.ZA A-BI=ŠU e-sa-at

22. am-mu-uk=ma=za A-NA PA-NI ŠEŠ=YA EN.KARAŠ ki-is-ha-ha-at

23. nu=mu ŠEŠ=YA A-NA GAL ME-ŠE-DI-UT-TIM ti-it-ta-nu-ut

24. KUR.UGU=ya=mu ma-ni-ya-ah-ha-an-ni pé-es-ta

25. nu KUR.UGUti <sup>v</sup>ta-pár-ha

26. pé-ra-an=ma=at=mu <sup>m,d</sup>SIN.<sup>d</sup>U-as DUMU <sup>m</sup>Zi-da-a ma-ni-ya-ah-hi-is-ke-et

27. nu=mu <sup>d</sup>IŠTAR GAŠAN=YA ku-it ka-ni-is-sa-an har-ta

28. ŠEŠ=YA=ya=mu <sup>m</sup>NIR.GÁL a-as-su har-ta

29. nu=mu=kán GIM-an UN.ME.EŠ-an-na-za ŠA <sup>d</sup>IŠTAR GAŠAN=YA ka-ni-is-su-u-wa-ar ŠA ŠEŠ=YA=ya [as-]su-la-an a-ú-e-er
30. nu=mu ʿar-sa-ni-i-e-er
31. [(nu=m)]u <sup>m.d</sup>SIN.<sup>d</sup>U-as DUMU <sup>m</sup>Zi-da-a nam-ma=ya da-ma-a-us UN[(.MEŠ-us)] [(ú-wa-)]a-i ti-is-ke-u-wa-an [(ti-)]i-e-er
32. nu[(=mu=ká)]n hu-u-w[(a-ap-pé-er)]
33. [n]u=m[(u ʿa)]r-pa-sa-at-ta=pá[t]?
34. [nu=(mu ŠEŠ=YA <sup>m</sup>NI)]R.GÁ[(L)] A-NA <sup>GIŠ</sup>UMBIN [(lam-)]ni-ya-at
35. <sup>d</sup>IŠTAR=ma=mu GAŠAN=YA Û-a[(t)]
36. nu=mu Û-it ki-i me-mi-is-ta
- #37. DINGIRlim-ni=wa-a=t-ta am-mu-uk tar-na-ah-hi
38. nu=wa le-e na-ah-ti
39. nu DINGIRlim-za pár-ku-u-e-es-su-un
40. nu=mu DINGIRlum ku-it GAŠAN=YA ŠU-za har-ta
41. nu=mu ʿhu-u-wa-ap-pí DINGIRlim-ni hu-u-wa-ap-pí DI-es-ni pa-ra-a Ú-UL ku-wa-pí-ik-ki tar-na-as
42. Ú-UL=ma=mu <sup>GIŠ</sup>TUKUL <sup>LÚ</sup>KÚR ku-wa-pí-ik-ki se-er wa-ah-nu-ut
- #43. <sup>d</sup>IŠTAR=mu=za=kán GAŠAN=YA hu-u-ma-an-da-za=pát da-as-ke-et
- #44. ma-a-an=mu is-tar-ak-zi ku-wa-pí
45. nu=za=kán ʿir-ma-la-as=pát ŠA DINGIRlim ha-an-da-an-da-tar se-er us-ke-nu-un
- #46. DINGIRlum=mu GAŠAN=YA hu-u-ma-an-da-za=pát ŠU-za har-ta
47. am-mu-uk=ma=za pa-ra-a ha-an-da-a-an-za ku-it UN-as e-su-un
- #48. A-NA PA-NI DINGIR.MEŠ ku-it pa-ra-a ha-an-da-an-da-an-ni i-ya-ah-ha-ha-at
- #49. ŠA DUMU.NAM.LÚ.U19.LU-ut-ti HUL-lu ut-tar UL ku-wa-pí-ik-ki i-ya-nu-un
- #50. DINGIRlum=mu=za=kán GAŠAN=YA hu-u-ma-an-da-za=pát da-as-ke-si
- #51. Ú-UL e-es-ta
52. nu=mu DINGIRlum GAŠAN=YA ʿku-wa-ya-mi me-hu-ni Ú-UL ku-wa-pí-ik-ki se-er ti-ya-at
- #53. A-NA <sup>LÚ</sup>KÚR=mu pé-ra-an kat-ta Ú-UL ku-wa-pí-ik-ki tar-na-as
54. Ú-UL=ma=mu A-NA EN DI-NI=YA <sup>LÚ.MEŠ</sup>ar-sa-na-tal-la-as ku-wa-pí-ik-ki pé-ra-an kat-ta tar-na-as
- #55. ma-a-n=a-as INIM <sup>LÚ</sup>KÚR
- #56. ma-a-n=a-as <INIM> EN DI-NI
- #57. ma-a-n=a-as INIM É.LUGAL ku-is-ki
58. nu=mu <sup>d</sup>IŠTAR=pát GAŠAN=YA hu-u-ma-an-da-za ʿpa-la-ah-sa-an UGU har-ta
- #59. hu-u-ma-an-da-za=pát=mu=kán da-as-ke-et

#60. <sup>LÚ</sup>KÚR.ME.EŠ=mu=kán <sup>LÚ.ME.EŠ</sup>ar-sa-na-tal-lu-us <sup>d</sup>IŠTAR GAŠAN=YA ŠU-i da-a-is

61. n=a-as=za kat-ta-an ar-ha zi-en-na-ah-hu-un

62. GIM-an=ma=kán ŠEŠ=YA <sup>m</sup>NIR.GÁL ut-tar kat-ta a-us-ta

63. nu=mu=kán HUL-lu ut-tar kat-ta Ú-UL ku-it-ki a-as-ta

64. nu=mu EGIR-pa da-a-as

65. nu=mu=kán KARAŠ ANŠE.KUR.RA.ME.EŠ ŠA KUR <sup>URU</sup>Ha-at-ti hu-u-ma-an-da-an ŠU-i da-a-is

66. nu KARAŠ ANŠE.KUR.RA.MEŠ ŠA KUR <sup>URU</sup>GIDRU-ti hu-u-ma-an-da-an am-mu-uk \ta-pár-ha

67. nu=mu=za ŠEŠ=YA <sup>m</sup>NIR.GÁL pa-ra-a u-i-is-ke-et

68. nu=mu <sup>d</sup>IŠTAR GAŠAN=YA GIM-an ka-ni-is-sa-an har-ta

69. nu=za=kán IGI.HI.A-wa ku-wa-at-ta-an A-NA KUR <sup>LÚ</sup>KÚR an-da-an na-a-is-ke-nu-un

70. nu=mu=kán IGI.HI.A-wa <sup>LÚ</sup>KÚR EGIR-pa Ú-UL ku-is-ki na-a-is

71. nu=za KUR.KUR.ME.EŠ <sup>LÚ</sup>KÚR tar-ah-hi-is-ke-nu-un

72. ka-ni-is-su-u-wa-ar=ma=mu ŠA <sup>d</sup>IŠTAR=pát GAŠAN=YA e-es-ta

73. nu=kán ŠÀ KUR.KUR.ME.EŠ <sup>URU</sup>Ha-at-ti <sup>LÚ</sup>KÚR ku-is ku-is an-da e-es-ta

74. n=a-an=kán IŠ-TU KUR.KUR <sup>URU</sup>Ha-at-ti ar-ha=pát u-i-ya-nu-un

75. ku-it-ma-an=ma=za DUMU-as e-su-un

76. nu=za KUR.KUR <sup>LÚ</sup>KÚR ku-e tar-ah-hi-is-ke-nu-un

77. n=a-at T.UP-PU ha-an-ti-i DÙ-mi

78. n=a-at PA-NI DINGIRlim te-eh-hi

79. GIM-an=ma ŠEŠ=YA <sup>m</sup>NIR.GÁL IŠ-TU A-MA-aT DINGIRlim=ŠÚ I-NA KURŠAP-LI-TI kat-ta pa-it

80. <sup>URU</sup>Ha-at-tu-sa-an=ma ar-ha tar-na-as

81. nu [ DINGIR.MEŠ (<sup>URU</sup>KUBABBAR-ti) (GIDIM.HI.A=ya sa-ra-)]a da-a-as

82. n=a[(-as I-NA KUR URU) [ pé-]e-da-as

83. EGI[(R-az=ma)] KUR Ga[(-as-gaHI.A hu-u-ma-an-te-es KUR) <sup>URU</sup>(P)i-is-hu-ru KUR <sup>UR</sup>[(<sup>U</sup>Da-is-t)]i-p[(a-as-s=a)] BAL i-y[(a!-at

84. nu KUR <sup>URU</sup>Is-hu-pí-i)t-ta K]UR <sup>URU</sup>Ma-ri-is-ta URU.DIDLI.[(HI.A BÀD=ya ar-ha har-ga)-nu-e]r

85. [(nu=kán)] <sup>LÚ</sup>KÚR <sup>ÍD</sup>Ma-ra-as-sa-an-da-an za-a-i[s

86. (nu KUR <sup>URU</sup>K)]a-n[(i-es wa-a)]l-ah-he-es-ke-u-wa-an da-a-is

... UR[U (wa-al-)]ah-h[i-es-(ke-u-)]wa-an da-a-is

...[(<sup>URU</sup>Ha-°) <sup>URU</sup>]Ku-ru[(-us-t)]a-ma-as <sup>URU</sup>Gaz-zi-ú-ra-as-s=a [(pé-di ku-ru-ri-ya-ah-he-er)]

87. nu URU D[(U6.HI.)A <sup>URU</sup>Ha-at-ti [(wa-al-hi-is-ke-u-wa-an ti-)]e-er

88. <sup>L</sup>[(<sup>Ú</sup>KÚR)] KUR <sup>URU</sup>Dur-mi-it-ta=ma [KUR <sup>URU</sup>T(u-hu-up-pí-ya wa-al-ha)-an-n]i-is-ke-u-wa-an da-a-is

89. [ ( KUR Ip-pa-as-sa-na=ma) da]n-na-at-ta-an e-es-ta

... p(a?-ra-a I-NA KUR <sup>URU</sup>Su-w)a-da-ra a-ar-as-ke-et

90. [<sup>URU</sup>Ha-ak-pis-(sa-as=ma=kán <sup>URU</sup>Is-t)]a[(-ha-r)]a-as-s=a 2-e-el is-pár-ze-er

... [ °-(tim is-tap-pa-an e-es-ta

91. nu-)]u=s-ma-as I-NA MU.10.KAM [(NUMUN <sup>Ú</sup>UL an-ni-es-ke-er

92. pa-ra-a=ma)] MU.KAM.HI.A-as ku-e-da-as [(ŠEŠ=YA <sup>m</sup>NIR.GÁL-is I-NA KUR <sup>URU</sup>Ha-at-t)]i e-es-ta

93. [(nu KUR <sup>URU</sup>Ga-as-gaHI.A hu-u-ma-an-te-es ku-ru-r)]i-ya-ah-he-er

94. [(nu KUR <sup>URU</sup>Sa-ad-du-up-pa KUR <sup>URU</sup>Da-an-ku-wa=ya ar-ha har-ga-nu-er)]

95. [(I-NA <sup>URU</sup>Pít-ti-ya-ri-ga=ma kat-ta-an da-a-is

96. nu=mu ŠEŠ=YA <sup>m</sup>NIR.GÁL-is)] [(u-i-ya-at

97. ÉRIN.MEŠ=ma=mu ANŠE.KUR.RA.MEŠ te-pa-u-wa-az pa-is)]

98. nu=za ÉRIN.MEŠ [(NA-RA-A-RU ŠA KURti te-pa-u-wa-za GAM-an e-ep-pu-u-un)]

99. nu pa-a-u-un

100. nu=kán <sup>L</sup>[(<sup>Ú</sup>KÚR I-NA <sup>URU</sup>Ha-ah-ha da-ma-as-su-un)]

101. n=a-an za-ah-hi-ya-nu-[u]n

102. nu=m[(u <sup>d</sup>GAŠAN GAŠAN=YA pé-ra-an hu-u-wa-a-is)]

103. n=a-an hu-ul-li-ya-nu-un

104. nu [(ŠU.AN ú-e-da-ah-hu-un)]

105. <sup>URU</sup>Ha-at-tu-sa-an=ma ku-in [(pé-e har-ta

106. n=a-an=kán ar-ha)] da-ah-hu-un

107. n=a-an hu-u-ma-an[(-da-an EGIR-pa a-se-sa-nu-nu-un)]

108. LÚ.ME.EŠ pé-ra-an hu-u-i-ya-tal-lu[(-us=ma e-ep-pu-u-un)]

109. n=a-as A-NA ŠEŠ=YA hi-in[(-ku-un

110. nu=mu ki-i IGI-zi LÚ-tar=mi-it)]

111. <sup>d</sup>IŠTAR=mu=kán GAŠAN=YA IGI-z[(i pal-si ŠUMum ke-e-da-ni KASKAL-si hal-za-a-i)]s

112. ú-et=ma <sup>LÚ</sup>KÚR <sup>URU</sup>[(Pí-is-hu-ru-us an-da a-ar-as)]

113. <sup>URU</sup>Ka-ra-ah-n[(a)-as-]s=a <sup>URU</sup>Ma-ri-is-ta-as Š[(<sup>À</sup> <sup>LÚ</sup>KÚR -]as ZAG-as e-es-ta

114. ke-e-ez-za=ma-a=s-si [(<sup>URU</sup>Tal-ma-li-ya-as ZAG-as e-es-)]ta

115. ANŠE.KUR.RA.ME.EŠ=ma 8 ME [(S.Í-iM-TUM e-es-ta  
116. ÉRIN)].MEŠti=ma=kán kap-pu-wa-u-wa-ar/ Ú-U[(L e-es-ta  
117. am-mu-uk=)]ma ŠEŠ=YA <sup>m</sup>NIR.GÁL-is u-i[(-ya-)]at  
118. nu=mu /1 ME 20 S.[(Í-iM-TUM ANŠE.KUR.RA)].ME.EŠ pé-es-ta  
119. [(ÉRIN.MEŠ-a)]z=ma=mu 1 /LÚ=ya kat-ta[(-an Ú-UL e-e)]s-ta  
120. nu=mu a-pí-ya=ya [(<sup>d</sup>IŠTA)]R GAŠAN=YA p/é-ra-an hu-u-w[(a-a-is  
121. nu=za a-p)]i-ya=ya <sup>LÚ</sup>KÚR [(IŠ-T)]U NÍ.TE=Y/A tar-ah-hu-un  
122. [(LÚlum=ma ku-i)]s pé-ra-an hu-u-i-ya-an-za e-e[(s-ta)]  
123. [n]u?? an/-da pé-en-nu[-<sup>o</sup>  
124. (n=a-an=ká)]n GIM-an ku-e-nu-un  
125. <sup>LÚ</sup>KÚR=ma=za / [(píd-da-)]a-is  
126. URU.DIDLI.HI.A=ma [(ku-i-e-es Š)]A KUR <sup>URU</sup>Ha-at-ti is-tap-pa-an-te-es / e-ser  
127. nu=ká[(n GUL-he-es-)]ke-er  
128. nu <sup>LÚ</sup>KÚR hu-ul-li-is[(-ke-u-wa-an ti-i-e-e)]r  
129. ŠU.AN=ma I-NA <sup>URU</sup>Ú-i-is-ta-wa-a[(n-da ú-)]e-da-ah-hu-un  
130. nu=mu a-pí-ya=ya ŠA <sup>d</sup>IŠTAR GAŠAN=YA ka-ni[(-es-s)]u-u-wa-ar e-es-ta  
131. <sup>GIŠ</sup>TUKUL=ma ku-in a-pí-ya har-ku-un  
132. n=a-an ha-li-i[(s-si-ya-nu-un)]  
133. n=a-an A-NA DINGIRlim GAŠAN=YA pé-ra-an te-eh-hu-un  
  
134. nu=mu ŠEŠ=YA <sup>m</sup>NIR.GÁL EGIR-an-da ú-et  
135. nu <sup>URU</sup>An-zi-li-ya-an <sup>URU</sup>Ta-pí-iq-qa-an-n=a ú-e-te-et  
136. n=a-as ar-ha=pát pa-it  
137. ma-ni-in-ku-wa-an-n=a=as=mu Ú-UL=pát ú-et  
138. ÉRIN.ME.EŠ=ya=za ANŠE.KUR.RA.ME.EŠ ŠA KUR <sup>URU</sup>Ha-at-ti pé-ra-an hu-u-i-  
nu-ut  
139. n=a-an ar-ha pé-e-hu-te-et  
140. nam-ma=kán DINGIR.MEŠ <sup>URU</sup>Ha-at-ti GIDIM.HI.A=ya pé-di ni-ni-ik-ta  
141. n=a-as I-NA <sup>URU.d</sup>U-as-sa kat-ta pé-e-da-as  
142. nu <sup>URU.d</sup>U-as-sa-an e-ep-ta  
143. <sup>URU</sup>Dur-mi-it-ta=ma=as <sup>URU</sup>Ku-ru-us-ta-ma Ú-UL pa-it  
144. n=a-as-ta ke-e-da-as A-NA KUR.KUR.ME.EŠ am-mu-uk an-da da-a-li-ya-at  
145. nu=mu ke-e KUR.KUR.ME.EŠ dan-na-at-ta AŠ-ŠUM MU-IR-DU-uT-TIM pé-es-ta  
KUR <sup>URU</sup>Is-hu-pí-it-ta KUR <sup>URU</sup>Ma-ri-is-ta KUR <sup>URU</sup>Hi-is-sa-as-ha-pa  
KUR <sup>URU</sup>Ka-ta-pa KUR <sup>URU</sup>Ha-an-ha-na KUR <sup>URU</sup>Da-ra-ah-na KUR <sup>URU</sup>Ha-at-te-na  
KUR <sup>URU</sup>Dur-mi-it-ta KUR <sup>URU</sup>Pa-la-a KUR <sup>URU</sup>Tu-u-ma-an-na  
KUR <sup>URU</sup>Ga-as-si-ya-a KUR <sup>URU</sup>Sap-pa KUR <sup>ÍD</sup>SÍG

146. ANŠE.KUR.RA.ME.EŠ<sup>LÚ.ME.EŠ</sup> IŠ.GUŠKIN=ya hu-u-ma-an-da-an am-mu-uk ʿta-pár-ha

147. KUR<sup>URU</sup> Ha-ak-pis-sa=ma=mu KUR<sup>URU</sup> Is-ta-ha-ra=ya ARAD-an-ni pé-es-ta

148. nu=mu I-NA KUR<sup>URU</sup> Ha-ak-pis-sa LUGAL-un i-ya-at

149. nu=mu=kán ŠEŠ=YA ku-e ki-i KUR.KUR.ME.EŠ ʿdan-na-at-ta ŠU-i da-a-is

150. nu=mu<sup>d</sup> IŠTAR GAŠAN=YA ku-it ŠU-za har-ta

151. nu=za<sup>LÚ</sup> KÚR.ME.EŠ ku-i-e-es tar-ah-hu-un

152. ku-i-e-es=ma=mu ták-su-la-a-ir

153. nu=mu<sup>d</sup> IŠTAR GAŠAN=YA GAM-an ti-ya-at

154. nu=za ke-e KUR.KUR.MEŠ dan-na-at-ta IŠ-TU NÍ.TE=YA EGIR-pa a-se-sa-nu-nu-un

155. n=a-at EGIR-pa<sup>URU</sup> Ha-at-tu-sa-an i-ya-nu-un

156. GIM-an=ma ú-et Š[(EŠ=Y)]A ku-wa-pí I-NA KUR Mi-iz-ri-i pa-it

157. nu(=za) KUR.KUR.ME.EŠ ku-e ke-e EGIR-pa a-se-sa-nu[(-nu-u)]/n

158. nu KARAŠ ANŠE.KUR.R[(A.MEŠ)] ke-e-el ŠA KURti A-NA ŠEŠ=YA la-ah-hi / I-NA KUR Mi-iz-ri-i GAM-an pé-e-hu-te-nu-un

159. nu=mu=kán PA-NI ŠEŠ=Y/A ku-it KARAŠ ANŠE.KUR.RA.ME.EŠ ŠA KUR<sup>URU</sup> Ha-at-ti ŠU-i e-e/s-ta

160. n=a-an am-mu-uk ʿta-pár-ha

161. GIM-an=ma=mu=ká/n<sup>m.d</sup> SIN.<sup>d</sup> U-as DUMU<sup>m</sup> Zi-da-a ŠA<sup>d</sup> IŠTAR GAŠAN=YA Û ŠA ŠEŠ=YA=ya a/-as-su-la-an a-us-ta

162. nu-u=s-ma-as=kán Ú-UL ku-e-ez-qa ku-it / ha-ap-ta-at

163. nu=mu=za al-wa-an-za-ah-hu-u-wa-an-zi n/am-ma QA-DU DAM=ŠÚ DUMU=ŠÚ e-ep-per

164. <sup>URU</sup> Sa-mu-ha-an-n=a URUlu/m DINGIRlim al-wa-an-ze-es-na-za se-er su-un-ni-is-ta

165. GIM-an=m/a IŠ-TU KUR Mi-iz-ri-i EGIR-pa i-ya-ah-ha-ha-at

166. n/u I-NA<sup>URU</sup> La-wa-za-an-ti-ya A-NA DINGIRlim BAL-u-wa-an-z/i i-ya-ah-ha-ha-at

167. nu=za DINGIRlum i-ya-nu-u/n

168. [nu=(za)] DUMU.MUNUS<sup>m</sup> Pé-en-ti-ip[(-sar)]/-ri<sup>LÚ</sup> SANGA<sup>f</sup> Pu-du-hé-pa-an [IŠ-T]U INIM DINGIRlim DAM-an-ni d/a-ah-hu-un

169. nu ha-an-da-a-u-en

170. [nu-u=n-n]a-as DINGIRlum ŠA<sup>LÚ</sup> MU-DI D[A]/M a-as-si-ya-tar pé-es-ta

171. [(nu-u=n-n)]a-as DUMU.NITA.ME.EŠ DUMU.MUNUS.ME.EŠ i-ya-u-e/n

172. nam-ma=mu DINGIRlum GAŠAN=YA Û-at

#173. [QA-DU] Éti=wa!=mu ARAD-ah-hu-ut

174. nu A-N/A DINGIRlim QA-DU Éti=YA [ARAD-a]h-ha-ha-at
175. nu-u=n-na-as É-er ku-it / e-es-su-u-en
176. [(n)]u-u=n-na-as=kán DINGIRlum an-da ar-ta-at
177. nu-u=n-n/a-as É-er pa-ra-a i-ya-an-ni-is
178. ka-ni-is-su-u-wa-ar=ma=at Š/A <sup>d</sup>IŠTAR GAŠAN=YA e-es-ta
179. [nu pa(-a-u)]n
180. nu <sup>URU</sup>Ha-wa-ar-ki-na-an <sup>URU</sup>De-e/l-mu-na-an-n=a [ú-]e-da-ah-hu-un
181. <sup>URU</sup>Ha-ak-pis-sa-as=ma ku-ru-r/i-ya-ah-ta
182. [ ]LÚ.MEŠ Ga-as-gaHI.A u-i-ya-nu-un
183. n=a-an IŠ-T/U NÍ.TE=YA SIG5-ah-hu-un
184. [nu=z]a am-mu-uk LUGAL KUR <sup>URU</sup>Ha-ak-pis ki-is-ha-ha-[a]/t
185. MUNUStum=ma=za [ <sup>U</sup>RUHa-ak-pis ki-is-ta-at
186. [GIM(-an=ma)] ú-et IŠ-TU É.LUGAL DI-es-sar ku[(-it-ki EGIR-pa)] [(hu-it-ti-)]ya-at-ta-at
187. nu=za <sup>d</sup>IŠTAR GAŠAN=YA [(pa-ra-a ha-an-da-an-da-tar)] [(a-pé-e-d)]a-ni=ya me-hu-ni ti-ik-ku-us-sa-n[(u-ut
188. nu ha-an-ni-is-na-an-za)] [(DI-es-sar EG)]IR-pa pé-e-hu-te-et
189. nu=kán A-NA <sup>m</sup>[(Ar-ma-<sup>d</sup>U QA-DU DAM=ŠU DUMU.MEŠ=ŠU)] [(al-wa-an-za-tar)] ú-e-mi-i-e-er
190. n=a-at=si-{y}=a-a[(t pé-ra-an kat-ta)] [(ti-i-er
191. nu UR)]Ulum DINGIRlim=YA <sup>URU</sup>Sa-mu-ha-an U[(H7-=za su-u)]n-na-as
192. [(n=a-an=mu DINGIRlum)] GAŠAN=YA kat-te-er-ra-ah-ta
193. ŠE[(Š=YA=ya=a)]n=mu [(QA-DU É=ŠÚ DA)]M=ŠU DUMU=ŠÚ pé-ra-an na-a-is
194. nu=mu ŠEŠ=YA [(me-mi-is-ta
- #195. <sup>m</sup>Si-ip-pa-)]LÚ-is=wa=kán Ú-UL an[(-d)]a
196. nu=mu ŠEŠ=YA ku-it [<sup>m</sup>Ar-ma(-<sup>d</sup>IŠKUR-an DI-es-n)]a-az sa-ra-a-az-z[(i-y)]a-ah-ta
197. [(nu-u=s-si=kán i-da-la-a-u-wa-an-ni EGIR-an Ú-UL n)]am-ma ma-us-ha-ha-at
198. [(nu=mu <sup>m</sup>Ar-ma-<sup>d</sup>U-as) k(u-it is-ha-na-as an-tu-uh-sa-as e-es-ta)]
199. nam-ma=as <sup>LÚ</sup>ŠU.GI-an-za [(e-es-ta)
200. n=(a-as=mu=kán ú-wa-ya?-at-ta-at)
201. n=(a-a)n] ar-ha da-a-li-ya-nu-un
202. [<sup>m</sup>Si-ip-pa-LÚ-in-n)=a DUMU(=ŠU ar-ha da-a-li-ya-nu-un
203. n=)]a-as Ú-UL ku-it-ki [(DÙ-nu-un)
204. A-Š(A-aT? <sup>m</sup>Ar-ma-<sup>d</sup>IŠKUR=ma DUMU=ŠU=ya) I-N]A <sup>URU</sup>A-la-si-ya [(up-pa-ah-hu-un)
205. A.ŠÀ=m(a? ták-sa-an sar-ra-an sa-r)]a-a da-ah-hu-un

206. [(n=a-an A-NA <sup>m,d</sup>SIN. <sup>d</sup>U EGIR-pa pa-ra-a pé-eh-hu-un)]
207. [nu=mu=kán ŠE(Š=YA ku-it <sup>m</sup>NIR.GÁL-is) ] [ °-(ta) <sup>UR(U)</sup>Dur-mi-it-ta-an)] [<sup>UR(U)</sup>Zi-ip)-la-an-ta-an KUR <sup>URU</sup>Ha-at(-te-na KUR Ha-a)(k-pis-sa-an)] [(<sup>URU</sup>Is-t)a-ha-r(a-an) ARAD-an-ni pí-y(a-an)] har-ta
208. [(n=)a-at dan-n(a-at-ta EGIR-pa a-se-sa-nu-nu-un)]
209. [ ŠE(Š=YA) DINGIRlim-i(s ki-sa-at
210. nu) <sup>URU</sup>Ha-at-t(u?-sa-an ku-it)] [ t(a-pár-ha
211. nu=mu=za=kán) (EN-an-ni)] [ (-)a(n-ni-is-ke-et
212. am-mu-uq-q=a! ŠA Š)EŠ=Y(A)] [na-ak-ki-ya-an-ni? (ha-an-ta-as Ú-UL ma-an-qa) i-ya-nu-u]n?
213. [k(e-e-ez-za=ma ma-ah-h)a-an (A-NA ŠEŠ=YA) sa-(hu-u-i-hu-us-su-wa-li-is)] DUMU-as [(Ú-UL) e-es-(ta)
214. (nu <sup>m</sup>Úr-hi-<sup>d</sup>U-up-an DUMU E-ŠE-e)]R-TI [(sa-ra-a da-ah-hu-un)
215. (n=a-an I-NA KUR <sup>URU</sup>)Ha-a]t-ti [(EN-an-ni x)
216. [... <sup>URU</sup>Ha-at-tu-sa-an (hu-u-ma-)]an-da-an [(ŠU-i te-eh-hu-un
217. n=a-as A-NA KUR.KUR.MEŠ H)a-at-ti LUGAL.GAL] e-es-ta
218. [(am-mu-uk=ma=za LUGAL <sup>URU</sup>Ha-ak-pis-sa e-su-un)
219. (nu IŠ-TU KAR)]AŠ [(ANŠE.KUR.RA).MEŠ ...]
220. (nu <sup>URU</sup>Ne-ri-iq-qa-as)] [(ku-it IŠ-TU UDum <sup>m</sup>Ha-an)-(ti-li) (ar-ha har-ga-an-za e-es-t)]a
221. [(n=a-an EGIR-pa ú-e-)da-ah-(hu-un)
222. (KUR.KUR.MEŠ=ya ku-e I-N)]A <sup>URU</sup>Ne-ri-ik [(a-ra-ah-za-an-da) (e-es-ta)
223. [... <sup>U(RU)</sup>Ni-e-ra-an <sup>URU</sup>Ha-as-t)]i-ra-an [(ZAG-an) i-]/ya-n/[u-un
224. (n=a-at=za hu-u-ma-an) AR(AD-a)]h-hu-un
225. [(n=)a-at=z(a)]/ ar-kam-ma-n/[(a-al-li-us?] ...
- #?226. [<sup>HUR.SAG</sup>]Ha-har-wa-<as>=za=kán [<sup>Í(D)</sup>Ma-r)]/a-as-sa-an-d/[(a-as-s=a) k(u-it IŠ-TU <sup>URU</sup>Ne-r)]i-ik [(Û IŠ-)]/TU <sup>URU</sup>Ha-ak/[(pis-sa da-ma-as-sa-an har-k)]er
227. nu=za hu-u-ma-an[(-da-an)] [(ARAD-ah-h)]/u-un
228. GIM-an/[ (=ma=mu=kán <sup>m</sup>Úr-hi-<sup>d</sup>U-up-pa-as e-)]ni-is[(-sa-)]an [Š(A DINGIRI)]/im as-su-l/[ (a-an a-us-ta
229. n=a-as=mu ar-s)]a-ni-ya-at
230. [n(u=mu ú-)]/wa-a-i/[(-) -(a-as
231. nu=mu=kán <sup>LÚ.MEŠ</sup>MU-IR-TU4-)]TI hu-u-ma-an-te[(-es)] [(ar-ha da-)]/a-as
232. [(KUR.KUR.MEŠ=ya ku-e dan-na-at-ta am-m)]u-uk EGIR-pa [(a-se-sa-nu-nu-un
233. nu=mu=kán a-pé-e=ya hu-u-ma-an-da)] ar-ha da-a-as
234. [(nu=mu te-ep-nu-ut
235. <sup>URU</sup>Ha-ak-)]/pis-sa-an=m[(a=mu=)]ká[n (IŠ-TU IN)]/IM DINGIRlim [(ar-ha Ú-UL da-a-as



- #236. A-NA)/<sup>d</sup>U<sup>URU</sup>Ne-ri-iq-qa=za k/[u-i(t? <sup>LÚ</sup>SANGA e-su-un)]
237. [(n=a-an=mu=kán a-pé-e-ez-za)]/ ar-ha <sup>Ú</sup>UL da-a-as
238. nu ŠA /[(ŠEŠ=YA)] [(na-ak-ki-ya-an-ni ha-an-da-as)]/ <sup>Ú</sup>UL ma-an-qa DÙ-nu-un/
239. [ n(u I-NA MU.7.KAM da-hu-si-ya-ah-ha)]
240. [(a-pa-a-as=ma=mu har-kán-na)]/ IŠ-TU INIM DINGIR/[(lim Û IŠ-TU INIM LÚ sa-an-ah-ta)]
241. [(nu=mu=kán<sup>URU</sup>Ha-ak-pis-sa-an)<sup>U</sup>]/<sup>RU</sup>Ne-ri-iq-qa/[(-an-n=a ar-ha da-a-as)]
242. [(nu <sup>Ú</sup>UL nam-ma da-hu-si-ya-ah-ha
243. nu-u)=]/s-si k/[(u-ru-ri-ya-ah-hu-u)]n
244. [(ku-ru-ri-ya-ah-hu-un=ma-a=s-si GIM-an
245. nu)]/ a-pa-a/[(-at pa-ap-ra-tar <sup>Ú</sup>UL DÙ)(-nu-un)]
246. [(n=a-an=kán A-NA <sup>GIŠ</sup>GIGIR wa-ag-ga-ri-ya-nu-un
247. na-as-ma=an=kán ŠÀ Ét)]i [(wa-aq-qa-ri-ya-nu-un
- #248. LÚ-ni-li-i=s-si wa-tar-na-ah-hu-un
- #249. su-ul-li-ya-at=wa=mu=ká)]n
250. [(nu=wa=za zi-ik LUGAL.GAL
251. am-m)]/u-uk=ma=wa=kán /[(1en HAL-S.Í ku-)]in [(da-li-ya-at
252. nu=wa=za Š)]/A 1en HAL-S.Í LUGAL-u/[s
253. nu=w)]a e-hu
254. [(nu=wa-a=n-na-as <sup>d</sup>IŠSTAR<sup>URU</sup>S)]/a-mu-ha <sup>d</sup>U<sup>URU</sup>Ne-/ri-iq-qa=ya [(ha-an-ni-es-sar ha-an-na-a)]/n-zi
255. nu A-NA <sup>m</sup>Úr-hi-<sup>d</sup>/U-up ku-wa-pí [(e-ni-is-sa-an ha-a)]/t-re-es-ke-nu-un
256. nu ma-a-a/n kis-an ku-is [(me-ma-i
- #257. an-ni-sa-a)]/n=wa-r=a-an LUGAL-ez-na-an-/ni ku-wa-at [(ti-it-ta-nu-ut
- #258. k)]/i-nu-na=wa-a=s-si ku-u-ru-ur / ku-wa-at ha-at-re-es-ke-si
- #259. [(ma-a-an=wa-r=a-as=mu=)]/kán su-ul/[(li-y)]a-at ku-wa-pí <sup>Ú</sup>UL
- #260. [(ma-a-an ha-an-da-a-a)]/n LUGAL.GAL /[(A-NA LUGA)]L.TUR! kat-te-er-ra-ah[(-he-er)]
- #261. [(ki-nu-na=as=mu=kán s)]/u-ul/[(li-ya-at k)]u-it
262. n=a-an[(=mu)] [(DINGIR.MEŠ DI-es-na-za) (kat-te-er-ra-ah-he-er)]
263. [(nu-)]u=s-si GIM-an ke-e INIM.ME.EŠ w[(a-tar-na-ah-hu-un)]
- #264. e-hu=wa!
265. a-pa-a-as=ma=kán<sup>URU</sup>Ma-ra-as-sa[(-an-ti-ya-za ar-ha pár-as-ta)]
266. n=a-as I-NA KUR.UGUti ú-et
267. <sup>m</sup>Si-pa-L[<sup>Ú</sup>s=]a-a=s-si DUMU <sup>m,d</sup>SIN.<sup>d</sup>U GAM-an e-es-ta
268. n=a-an=kán A-N[(A ÉRIN.M)]EŠ KUR.UGUti <har-ni-in-ku-u-an-zi> ú-e-ri-ya-at
269. <sup>m</sup>Si-pa-L<sup>Ú</sup>-is=ma am-mu-uk IGI-an[(-da)] i-da-lu-us ku-it e-es-ta

#270. Ú-UL=as=mu IGI-an-da ṽmar-ha-ta

271. am-mu-uk=ma LUGAL-ut-ta <sup>d</sup>IŠTAR GAŠAN=YA an-ni-sa-an=pát ku-it me-mi-is-ke-et

272. nu a-pé-e-da-ni me-hu-ni <sup>d</sup>IŠTAR GAŠAN=YA A-NA DAM=YA Û-at

#273. A-NA <sup>LÚ</sup>MU-DI=KA=wa am-mu-uk pé-ra-an ṽhu-u-i-ya-mi

274. nu=wa=za=kán <sup>URU</sup>KUBABBAR-as hu-u-ma-an-za IŠ-TU ŠA <sup>LÚ</sup>MU-DI=KA ne-ya-ri

#275. sal-la-nu-nu-un=wa-r=a-an ku-it am-mu-uk

276. nu=wa-r=a-an hu-wa-ap-pí DI-es-ni hu-wa-ap-pí DINGIRlim-ni <<Ú-UL>> pa-ra-a Ú-UL ku-wa-pí-ik-ki tar-na-ah-hu-un

277. ki-nu-na=ya=wa-r=a-an kar-ap-mi

278. nu=wa-r=a-an A-NA <sup>d</sup>UTU <sup>URU</sup>PÚ-na AŠ-ŠUM <sup>LÚ</sup>SANGA-ut-tim ti-it-ta-nu-mi

279. zi-iq-q=a=wa=mu=za <sup>d</sup>IŠTAR pa-ra-as-si-in i-ya

280. nu=mu <sup>d</sup>IŠTAR GAŠAN=YA EGI[(R-an)] ti-ya-at

281. nu=mu me-mi-is-ke-et GIM-an

282. ki-s[(a)]/-at=ya=za

283. nu=za <sup>d</sup>IŠTAR GAŠAN=YA pa-ra-a ha-an-da-an-da-tar a[(-p)]/í-ya=ya me-ek-ki te-ek-ku-us[(-sa-nu-u)]t

284. nu <sup>m</sup>Úr-hi-<sup>d</sup>[(U-u)]/p-as BE-LUHI.A ku-i-e-es ku-wa-pí ar-ha [(u-)]i-ya-at

285. nu[(-u=s-m)]/a-as <sup>d</sup>IŠTAR Û-at

#286. in-na-ra=u-wa-a=s-ma-as da-ri-ya-an-t[(e-es

287. KUR.KUR)/.ME.EŠ <sup>URU</sup>GIDRU-ti=ma=wa=k[án] hu-u-ma-an-da <sup>d</sup>IŠTAR A-NA <sup>m</sup>Ha-at[(-tu-si-li)]/ an-da-an ne-eh-hu-un

288. nu=za ŠA <sup>d</sup>IŠTAR p[(a-ra-a ha-an-)]/da-an-da-tar a-pí-ya=y[(a)] me-ek-ki u-uh-hu-un

#289. <sup>m</sup>Úr-hi-<sup>d</sup>[(U-up-an ku-w)]/a-pí da-me-da Ú-UL ku-wa-pí-ik-ki tar-na[(-as

290. n=a-an=kán)]/ I-NA <sup>URU</sup>Sa-mu-ha ŠAH GIM-an ṽhu-u[(-um-ma EGIR-pa is-tap-p)]/a-as

291. am-m/u-u/k=m/a LÚ.MEŠ Ga-as-gaH[(I.A ku-i-e-es ku-u-ru-u)]/r e-se-er

292. n=a-at=mu EGIR-a[(n ti-i-e-er

293. <sup>U</sup>)]/<sup>RU</sup>KUBABBAR-as-s=a=mu hu-u-ma-an-za EGIR-an ti-ya-a[(t

#294. ŠA ŠEŠ=Y)]/A na-ak-ki-ya-an-ni ha-an-da-as Ú-UL m[(a-an-qa i-y)]/a-nu-un

295. nu A-NA <sup>m</sup>Úr-hi-<sup>d</sup>U-up GAM-an EGIR-pa pa-a-un

296. [(n=a-an=kán Š)]/A <sup>LÚ</sup>LI i-wa-ar kat-ta ú-wa-te-nu-un

297. nu-u=s[(-si I-NA KUR <sup>URU</sup>Nu-ha)]/-as-si URU.DIDLI.HI.A BÀD AD-DIN

298. n=a-as a-pí-ya e-es-t[(a

#299. ma-a-an=kán d)]/a-ma-a-in ṽku-pí-ya-ti-in ku-u[(p-ta

- #300. ma-an I-NA KUR <sup>URU</sup>Ka-ra-<sup>d</sup>d)u-ni-ya pé-en-ni-is-ta
301. nu [(GIM-an me-mi-an AŠ-ME
302. n=a-an e-ep-pu-u-un)]
303. n=a-an=kán A.AB.B[(A ta-pu-sa up-pa-ah-hu-un
304. <sup>m</sup>Si-pa-LÚ-in-n=a)] ZAG za-i-nu-er
305. Étum[(=ma-a=s-si=kán ar-ha da-ah-hu-un)]
306. n=a-at A-NA <sup>d</sup>IŠTAR [(GAŠAN=YA AD-DIN
307. nu am-mu-uk A-NA <sup>d</sup>IŠTAR GAŠAN=YA)] a-pa-a-at AD-DIN
308. <sup>d</sup>IŠTAR[(=ma=mu=kán GAŠAN=YA i-la-ni i-la-ni)] nam-ma ti-is-ke-et
309. nu=za DUMU.LUGAL e-su-un
310. nu=za G[(AL)]/ ME-ŠE-DI ki-is-ha-ha-at[
311. GAL ME-ŠE-DI=ma=za LUGAL KUR Ha-ak-p[(is-s)]/a ki-is-ha-ha-at
312. LUGAL KUR [Ha-ak-(pis=ma=za)] LUGAL.GAL nam-ma ki-is-ha-h[(a-a)]/t
313. nam-ma=mu=kán <sup>d</sup>IŠTAR [(GAŠAN=YA)] <sup>LÚ.ME.EŠ</sup>ar-sa-na-a[(t-tal-lu-us  
LÚ.)]/<sup>ME.EŠ</sup>har-pa-na-al-li-us[ BE-LU<sup>HI.A</sup> DI-NI=YA [(ŠU-i da-)]/a-is
314. nu ku-i-e-es [(IŠ-TU <sup>GIŠ</sup>TUKUL e-ker)]
315. ku-i-e-es UD-az-za [(e-ker
316. n=a-as=z)]/a [(hu-u-ma-a)]/n-te-es=pát GAM-an a[(r-ha)] zi-en-na-ah-hu[(-un
317. nu=mu)] <sup>d</sup>IŠTAR GAŠAN=YA / LUGAL-ut-ta ŠA KUR Ha-at[(-ti)] pé-es-ta
318. nu=za LUGA[(L.GAL ki-i)]s-ha-ha-at
319. n/u=mu DUMU.LUGAL da-a-as
320. [(nu=mu=kán <sup>d</sup>IŠ)]TAR GAŠAN=YA LUGAL-ez-na-an-ni a/n-da tar-ni-is-ta
321. [(nu=mu LUGAL)].ME.EŠ MAH-RU=YA a-as-sa-u-wa-as / me-mi-ya-na-as ku-i-e-  
es e-ser
322. [(n=a-at=m)]u a-as-sa-u-wa-as=pát me-mi-ya-n/a-as ki-sa-an-ta-at
323. [(LÚ.MEŠ T.E4-ME=)]ya=mu u-i-is-ke-u-wa-an t/i-i-e-er
324. up-pé-es-sar<sup>HI.A</sup>=ma=mu [(up-pí-is-ke-)]u-wa-an ti-i[(-e)]-er
325. up-pé-es-sa/<sup>rHI.A</sup>=ma=mu ku-e [(up-pí-is-)ká]n-zi
326. n=a-at A-NA AB.BA/.HI.A Û AB.BA AB.BA.HI.A [(Ú-UL ku-)]e-da-ni-ik-ki  
[(up-)]pé-er
327. na-a/-hu-u-wa-as=ma=mu ku-is LUGAL-us [(e-es-ta)]
328. n=a-as=mu=kán na-ah-ta
329. ku-ru-ur[<sup>HI</sup>]/.A=ma=mu ku-e e-es-ta
330. [(n=a-at=za tar-)]ah-hu-un
331. A-NA KUR.KUR <sup>URU</sup>GIDRU-ti=ma=z/a=kán ZAG.HI.A A-NA ZAG.HI.A [a(n-da  
da-)]ah-hu-un

#332. A-NA PA-NI AB.BA.HI.A=YA AB.BA [(AB).BA.HI.(A)] [(ku-i-e-es)] ku-u-ru-ur e-ser

333. am-mu-uk=ma ták-su-la-a[(-i)]r

334. [(nu=mu DINGIR)]lum ku-it GAŠAN=YA kis-an ka-ni-is-sa-an har-ta

335. [(nu ŠA ŠE)]Š=YA na-ak-ki-ya-an-ni ha-an-da-as UL ma-an-qa DÛ-nu-un

336. [nu DUMU.ŠEŠ=Y]A <sup>m.d</sup>LAMMA-an sa-ra-a da-ah-hu-un

337. nu=za ŠEŠ=YA <sup>m</sup>NIR.GÁL-i[(s)] [(ku-it AŠ-)]RU <sup>URU.d</sup>U-as-sa-an pár-na-wa-is-ke-et

338. n=a-an a-pí-ya pé[(-di)] [(LUGAL-e)]z-na-an-ni ti-it-ta-nu-nu-un

339. nu=mu <sup>d</sup>IŠTAR GAŠAN=ma ma-si-wa-an [(da-a)]t-ta

340. nu=mu sal-la-i pé-di A-NA KUR <sup>URU</sup>GIDRU-ti LUGAL-ez-na-ni [(ti-i)]t-ta-nu-ut

341. am-mu-uk=ma A-NA <sup>d</sup>IŠTAR GAŠAN=YA É <sup>m.d</sup>SIN.<sup>d</sup>U AD-DIN

342. [n=a-a]t=kán EGIR-an tar-na-ah-hu-un

343. n=a-at pa-ra-a pé-eh-hu-un

#344. [an-]na-al-la-an ku-it e-es-ta

#345. a-pa-a-at=si pa-ra-a pé-eh-hu-un

346. am-mu-uq-q=a ku-it har-ku-un

347. a-pád-da=ya pa-ra-a pé-eh-hu-un

348. n=a-at=kán EGIR-an tar-na-ah-hu-un

349. n=a-at A-NA DINGIRlim pa-ra-a AD-DIN

350. É <sup>m.d</sup>SIN.<sup>d</sup>U=ma-a=s-si ku-it AD-DIN

351. nu URU.DIDLI.HI.A ku-i-e-es ku-i-e-es [Š]A <sup>m.d</sup>SIN.<sup>d</sup>U

352. n=a-an=kán hu-u-ma-an-ti=ya=pát EGIR-an <sup>NA4</sup>ZI.KIN [t]i-it-ta-nu-us-kán-zi

353. <sup>DUG</sup>har-si-ya-li=ya=kán is-hu-is-kán-zi

#354. <sup>d</sup>IŠTAR DINGIRlim=as=mu

355. nu-u=s-ma-s=a-an <sup>d</sup>IŠTAR sar-la-im-mi-in [s]i-pa-an-za-kán-zi

356. am-mu-uq-q=a=za ku-it ha-as-ti-ya-as É-er DÛ-nu-un

357. [(n)=]a-at A-NA DINGIRlim pa-ra-a pé-eh-hu-un

358. DUMU=YA=ya-a=t-ta [(<sup>m</sup>D)]u-ut-ha-li-ya-an ARAD-an-ni pa-ra-a pé-eh-hu-un

359. nu É <sup>d</sup>IŠTAR [<sup>m</sup>D]u-ut-ha-li-ya-as DUMU=YA \ta-pár-du

360. nu=za am-mu-uk ARAD DINGIRlim

361. [(a-pa-)]a-as-s=a ARAD DINGIRlim e-es-du

362. É-er=ma ku-it A-NA DINGIRlim AD-DIN

363. [(nu h)]u-u-ma-an-za A-NA DINGIRlim \kar-na-an \ma-ar-na-an e-es-sa-ú

364. [(ku-i)]s=ma=kán \zi-la-du-wa NUMUN <sup>m</sup>Ha-at-tu-si-li <sup>f</sup>Pu-du-hé-pa [(A-N)]A <sup>d</sup>IŠTAR ARAD-an-ni ar-ha da-a-i

#365. ŠA<sup>É</sup>ga-ru!-pa-hi-as=za [(ez-)]za-an GIŠ-ru KISLAH ŠA<sup>d</sup>IŠTAR<sup>URU</sup>Sa-mu-ha i-la-li-ya-z[i]

366. [(n=)]a-as A-NA<sup>d</sup>IŠTAR<sup>URU</sup>Sa-mu-ha EN DI-NI=ŠU e-es-du

367. sa-ah-ha-ni=ya=as lu-uz-zi le-e ku-is-ki e-ep-z[(i)]

368. ku-is-s=a=kán ˇzi-la-du-wa DUMU=ŠÚ DUMU.DUMU=ŠÚ ŠÀ.BAL.BAL <<zi-la-du-wa>> ŠA<sup>m</sup>Ha-at-tu-si-li<sup>f</sup>Pu-du-hé-pa sa-ra-a is-pár-za-zi

369. n=a-as=kán ŠÀ DINGIR.MEŠ A-NA<sup>d</sup>IŠTAR<sup>URU</sup>Sa-mu[(-ha)] na-ah-ha-an-za e-es-du